

## Di Trinta Djadumingu Siklo A

*Promé Lektura* : Eksodo 22, 21-27  
*Salmo* : Salmo 18, 1-4. 8. 47-51  
*Di dos Lektura* : 1Tesolonikanan 1, 5b-10  
*Evangelio* : Mateo 21, 34-40

For di e promé tempunan di Testament Bieu, e amor pa Dios i pa e próhimo tabata mará na otro. Di ei ku e buki di Eksodo, for di kua awe nos ta lesa algun párafo, ta señalá diferente normanan ku ta regulá e trato ku strañero, biuda, huérfano i en general, ku tur sobrá.

E Skritura ta enfatisá e kuido ku nos mester tin ku esnan mas débil i pover, pues nan ta esnan ku ta pasa den mas difikultat, djei ku ta nombra nan, spesifikamente, esnan huérfano i biudanan, meskos tambe e strañeronan. Na nan por añañá esnan ku tin nesidat di pidi fianza i asta hipoteká nan pertinensianan pa haña algun sèn, mesun kos ku esnan ku no a keda nan mas remedi ku di pidi limosna.

No únkamente no por abusá di nan, sino ku mester trata na yuda nan. I Señor ta bisa ku si nos hasi lo kontrali, E “lo no keda sin skucha nan gritu”.

Israelitanan tabatin un eksperensia largu di eksilio, asta di mira nan mes obligá di bai otro tera pa por sobreviví. Na Egipto so nan a pasa kuater-shentitrinta aña i tabatin israelita plama na tur parti, ya komo ku na hopi okashon nan a mira nan mes someté na pueblonan strañero ku tabata oprimi nan. Hopi a skapa huyendo bai otro tera.

Si nan, en general, lo por a sobreviví na paisnan lehanan, nan tabatin obligashon di komprondé esnan ku tabata buska pa akomodá nan mes entre israelitanan. Lei tabata protéhá nan, ya ku den forma definitivo, nos tur ta yu di Dios i tera kompletu a ser kreá pa sernan humano por biba sin distinsion di rasa.

Ta lògiko ku araves di tempu sernan humano a mira nan mes obligá na organisá nan mes mihó, markando límite na nan teritorio i poniendo leinan ku lo permití un mihó kumplimentu ku debernan sosial.

Ta legítimu ku pa emigrá tin mester di sierto kondishon, pero ta derechi di tur ser humano pa por trasladá su mes pa otro sitionan kaminda p’e ta resultá mas fásil pa sobre-

bibí.

Aseptá leinan di emigrashon no nesariamente ta nifiká diskriminashon, si gobièrnan ta dispuesto na konsedé entrada na esnan ku ta yega na nan tera buskando un bida mihó. Esun ku ta emigrá mester ta dispuesto na aseptá reglanan di kombibensia i someté su mes na leinan di e lugá kaminda e ke establese su mes.

Delinkuente i kriminalnan no por tin lugá di biba entre hendenan sivilisá, pasobra nan ta forma un peliger berdadero pa pas i armonia di pueblonan.

Bèrdat ta ku, den algun kaso, gobièrnan ta sera nan porta snòk snòk, p’asina ku ningun strañero por keda i traha. Pero tambe tin paisnan kaminda e strañero ta keda aseptá ku kondishon ku e ta kumpli ku rekisitonan ku nan ta eksigi.

Iglesia semper a defendé e derechi ku tur ser humano tin pa emigrashon. Laga nos mira por ehèmpel, e párafo di e ensiklika “Pacem in Terris” (Pas riba tera), di papa Huan XXIII:

“Entre e derechinan di e ser humano mester konta tambe esnan di ku kualke persona legalmente por emigrá pa e nashon kaminda e ta spera di por atendé su mes i su famia mihó. Pa kual motibu ta un deber di ouridatnan públiko pa atmiti strañeronan ku ta yega i e berdadero bon ku nan komunidad ta pèrmiti, faboresiendo propósito di esnan ku ta pretendé di inkorporá nan mes den dje komo miembronan nobo” (n° 106).

E derechi aki di emigrashon ta basá riba e prinsipio di ku nos tur komo ser humano tin derechi propio, siendo yunan di Dios, i entre esakianan esun di emigrá.

Asina tambe e Deklarashon Universal di Derechonan Humano dekrétá dor di Nashonnan Uni na 1948 ta afirmá. Den su artíkulo 13 ta lesa:

“1. Tur hende tin derecho pa sirkulá libremente i skohe su residensia den teritorio di un Estado”.

“2. Tur hende tin e dere-

cho pa sali di kualke pais, ink-luso di esun propio, i pa regresá na su pais”.

I ku si nos ta kere ku Dios ta Tata di tur hende, den ningun forma nos lo por pensa ku esun ta mas yu ku otro. Dios a krea tera pa tur su yunan.

Ku nashonnan ta regulá imigrashon ta un kos, pero ku ta prohibí ta otro. E promé ta aseptabel, pero di ningun moda e di dos por t’asina

Hesus, den evangelio, ta afirmá klaramente alkansé di e mandamentunan, ku E ta resumi den dos: Stima Dios riba tur kos i stima e próhimo manera bo mes.

Stima ta nifiká, en todo kaso, hasi i deseá loke ta bon, sin hasi distinsion. Ora nos ta



oprimo i ta abusá di e próhimo nos ta deskonosiendo e boluntat di Dios. I “próhimo” den mente di Señor ta tur ser humano, sin eksepsion.

E mesun Deklarashon sitá anterior ta pone fundamentu di e derechonan den e mesun promé artíkulo:

“Tur ser humano ta nase

liber i igual den dignidat i derechi, i dotá manera nan ta den rason i konsenshi esun mester komportá su mes fraternalmente ku e otro”.

Esaki ta di akuerdo ku loke a ser siñá pa e Dibino Maestro. Esun ku no ta rekonosé esaki lo ta aktuando kontra di Dios.

### Mi no por pordoná

No. Loke sosodé ta ku bo kurason no ya stima.  
 No. Ta ku bo kurason ta yen di resentimentu.  
 No. Ta ku ainda bo no a siña na balará e berdadero amor.  
 No. Ta ku nos ta confundí amor ku sentimentu.  
 No. Ta ku abo ta confundí amor ku deseo.  
 No. Ta ku abo tampoko stima Dios di bèrdat.  
 No. Pasobra nos ta stima di Dios di bèrdat, nos ta stima tur loke Dios ta stima.  
 No. Pasobra abo ta kere ku pordoná ta un debilidad.  
 No. Pasobra abo ta kere ku pordoná ta duna e otro rason.  
 No. Pasobra abo ta kere ku ora bo pordoná ya bo tin ku lubidá.  
 E problema ta den ku stima ta stima manera Dios ta stima.  
 E ta stima ken Dios ta stima.  
 E ta stima manera Dios ya stima.  
 Hasta lo a bisa ku esun ku no sa na pordoná, ta stima su mes masha poko.  
 Bo no sa ku pordoná ta renobá e otro.  
 Pordoná ta hasi e otro nobo.  
 Pordoná ta drecha loke tabata kibrá o heridá.  
 Pablo lo a bisa: “Amor ta pordoná tur kos.”

### Kuestionámentu

Mi ta bai Misa tur djadumingu.

*Pero mi no ta stima ni ta pordoná.*

Mi ta resa rosario tur dia.

*Pero mi no ta stima ni ta pordoná.*

Mi ta lesa Evangelio tur dia.

*Pero mi no ta stima ni ta pordoná.*

Ami a konfirmá.

*Pero mi no ta stima ni ta pordoná.*

Mi ta konfesá ku frekuensia.

*Pero mi no ta stima ni ta pordoná.*

Mi ta risibí tur dia.

*Pero mi no ta stima ni ta pordoná.*

Bo ke bisa mi di kiko tur esaki ta sirbí?

Bo ke bisa mi di kiko misa ta sirbí bo si bo Sali ku e kurason venená di renkor?

Bo ke bisa mi di kiko ta sirbí bo risibí, si despues bo ta pordoná bo ruman?

Dios tei kaminda tin amor.

Dios únkamente ta komprondé e lenguahe di amor.

Dios únkamente ta krea amor, pasobra “Dios ta amor”.